

OBAVIJEST O JAVNOJ RASPRAVI – DODATNA SESIJA - NACRT ZAKONA O GRAĐEVNOM ZEMLJIŠTU U FEDERACIJI BOSNE I HERCEGOVINE

22.11.2023 21:46



FGU
Federalna uprava za geodetske i imovinsko-pravne poslove

Kako što je zainteresirana javnost već ranije sigurno upoznata oba Doma Parlamenta Federacije BiH prihvatila su tekst Nacrta zakona o građevnom zemljištu u Federaciji BiH svojim zaključcima utvrdili da isti može poslužiti kao temelj za izradu Prijedloga zakona.

Nakon što je Zastupnički dom Parlamenta Federacije BiH u prošlom sazivu u dva navrata ranije utvrđeni tekst Prijedloga zakona o građevnom zemljištu u Federaciji BiH skinuo s dnevnog reda svojih sjednica, a Vlada Federacije BiH u sadašnjem mandatu taj Prijedlog zakona povukla iz parlamentarne procedure, Federalna uprava za geodetske i imovinsko-pravne poslove, kao obrađivač, zaključkom Vlade Federacije BiH, V.broj 1667/2023 od 15.11.2023. godine, zadužena je da žurno organizira dodatnu raspravu o Nacrtu zakona o građevnom zemljištu u Federaciji BiH radi utvrđivanja Prijedloga zakona i upućivanja istoga u parlamentarnu proceduru.

S obzirom da je izradi ranijeg Prijedloga zakona, koji je u međuvremenu povučen iz parlamentarne procedure, prethodila dosta opsežna javna rasprava i šire konzultacije ključnih aktera, uključujući i održavanje 'regionalnih' sesija u Mostaru, Sarajevu, Bihaću i Tuzli, što je provedeno u suradnji sa Savezom općina i gradova Federacije BiH, Federalna uprava za geodetske i imovinsko-pravne poslove, kao obrađivač Nacrta zakona, suglasno spomenutom zaključku Vlade Federacije BiH zakazuje dodatnu sesiju u okviru javne rasprave i poziva sve zainteresirane subjekte da se u taj proces aktivno uključe, te svojim primjedbama, sugestijama i prijedlozima doprinesu kvaliteti prijedloga navedenog zakona.

U cilju uključenja šire javnosti u proces javne rasprave Nacrt zakona o građevnom zemljištu u Federaciji BiH, kao i ranije utvrđeni, u međuvremenu iz parlamentarne procedure povučeni Prijedlog zakona, objavljeni su na web stranici Federalne uprave za geodetske i imovinsko-pravne poslove ([LINK](#)), te su svi organi i institucije, kao i građani i drugi zainteresirani subjekti pozvani da se u taj proces aktivno uključe.

Komentari, prijedlozi, primjedbe i sugestije na ovaj zakonski Nacrt mogu se dostaviti do 05.12.2023. godine, u pisanom obliku, na adresu: Federalna uprava za geodetske i imovinsko-pravne poslove, ul.Hamdije Kreševljakovića br.96., 71 000 Sarajevo ili na e-mail adresu: goran.brkic@fgu.com.ba

Napominjemo da se oni subjekti koji su svoje primjedbe, prijedloge i sugestije već ranije dostavili (poštom, preko e-maila ili neposredno na završnoj sesiji javne rasprave) ne trebaju ponavljati, ali svakako mogu iskazati sve ono što ranije nisu istakli.

Sve zainteresirane obavještavamo da će se dodatna sesija Javne rasprave vezane za Nacrt zakona o građevnom zemljištu u Federaciji BiH održati dana 07.12.2023. godine, sa početkom u 11,00 sati, ul.Hamdije Kreševljakovića br.96., Sarajevo, u sjedištu Federalne uprave za geodetske i imovinsko-pravne poslove, dvorana za sastanke u potkrovlju.

Sve zainteresirane pozivamo da uzmu aktivno učešće u održavanju dodatne sesije, s ciljem kvalitetne pripreme prijedloga navedenog zakona.